



Sent refuormà

Rapport dal consistori pella radunanza da rendaquint

Id es passà pass'ün mez on daspö l'ultima radunanza, quella da preventiv. Tuot es i sco üsità, per regla duos cults divins al mais, da la scoula daja ün rapport separà. Ils cults divins da Nadal, Bös-chin, Silvester e Büman sun gratiats, quels da Confirmaziun e Pasqua eir, quels saran amo ün pa in memoria. Als cults divins da famiglia as raduna adüna üna bella raspada cun uffants, quai grazia a Seraina. Nos rimplazzant Hans Peter Mathes es stat qua da december fin in avrigl, insembel cun Seraina ha'l fat la confirmaziun. Uossa funcziunaina cul rimplazzant da Scuol, Helmut Gossler e cun Seraina Guler, predichanta laica, sco eir cun oters rimplazzants. Il prüm d'avuost riva nossa rimplazzanta da la stà passada, Margrit Uhlmann. Ella fa quint da star 3 mais a Sent.

Nos rimplazzant Hans-Peter Mathes ha miss ad ir cun success ün'eivna da gegünar, id es dvantà ün proget regional cun participantas da Sent, Scuol e Valsot. Insembel cun sia gruppa da pelegrins e pelegrinas vaina celebrà il Firà da Pasqua ün stupend cult divin cun chant da Taizé.

Eir quist on funcziunan las uras da confirmands e confirmandas insembel culla Corporaziun da Valsot, quellas cumainzan uossa, davo las vacanzas da mai.

Il cumün ha dumandà da pudair montar ün Lapidarium vi da la fatschada ost da la baselgia, i va per muossar l'istorgia ed il material chi s'ha dovrà per construir il clucher.

Quist utim mez'on vaina gnü plüs battaisems, id es stat pacs funarals.

La collavuraziun cul consistori da Scuol va discret, i's cumbina da far il cult divin a las 09.30 a Scuol ed a las 10.45 a Sent, quai cun l'istess ravarenda e l'istess organist. Causa chi nun es i da scriver oura insembel cun Scuol la piazza da ravarenda, vaina publichà eir nossa vacanza in pravenda sülla pagina da la baselgia chantunala.

Dals progets da fabrica infuormescha Duri.

Sent in mai 2025